



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67



Selenia Gomez '13 Reasons Why' tlangzarnaah-P4

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/166

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

Dist. Hospital-ah UBI ATM



CCPUR: United Bank of India (UBI) chun District Hospital, CCPur-ah Automated Teller Machine (ATM) booth pakhat hawng an tum a, hi le inzawm hin zanita inthawk khan sinthawna sunzawm nawk a nih. UNC in Economic Blockade an thaw leia hun iemanichen sinthawna chawlsana lo um ta a nih. Hi ATM Booth a inthut ding ATM Machine chu April 1, 2017 hin a hungtlung ding nia hril a ni a, hmang thei dinga siem-

zona dingin chawlkhat vel hun a la lak ding a hril a nih.

ATM Booth hi Medical Superintendent, District Hospital le Bank Official damnawna leia inhmaw taka sum lasuok nuom hai hmakhuo ngaina leia inthut dinga hma an lak a ni a, hi thila ding hin Medical Superintendent chun ATM inthutna dingin District Hospital, Eastern Block, Emergency & Trauma, Casualty building hmunkhat a pekdawk a nih.

Cabinet meeting in tuilien leia harsatna tuorhai enkaitu dingin Action Committee an din

IMPHAL: Zanikhan Chief Minister Nongthombam Biren Singh inrawinain Chief Ministers Office, Imphal Conference Hall-ah State Cabinet meeting nei a ni a. State Cabinet meeting chun tuilien chungchang an hriltlang a, tuilien leia harsatna tuorhai enkaitu dingin Action Committee indin dingin an rel.

Hi dungzui hin Action Committee hi indin nghan a ni a. Action Committee Chairman dingin Irrigation & Flood Control Minister Letpao Haokip, Convenor in O. Nabakishore Singh; Members in IFCD, PHED, PWD, CAF&PD, Minor Irriga-



tion & Health Department haia Head of Departments, Secretary, Disaster Management le District tina Deputy Commission-

er-hai ruot an nih.

Ni 3 liemta sunga Manipur a inzawmzata ruo intak deuva a sur leia tuilien ngirhmun Cabinet meet-

(Main flood control room) a hawng. Tuilien leia harsatna tuorhai chun Main Flood Control Room-a hin report le complaint peklut le inthut ding a nih. Biekpawna ding telephone number-hai chu- 2451550 le 2450195 hai a nih.

Tuta tuma nasa taka ruosur khan Imphal khawpui le a se vel haiah mi-hriem khawsakna nasa takin a sukbuoin a suk harsa pha a nih. In thenkhatat tui a lut a, hmun tam takah tui an dil baw. Tuin IFCD chun tui pump dawka kawlmhingin tui indil hai a pump dawka, Nullah, vadung le room kam vel-hai chu JCB hmangan a thieifai mek. CM chun DC

tin hai chu tuilienna hmun hai fangkuol a, Relief camp indin thuna haiah Relief Camp indin dingin an hriettir tawl. Cabinet meeting chun tuilien leia harsatna tuorhai chu tui dawn ding, an fak ding le an mamaw chi tum tum hai pek dingin a rel.

IFCD Minister Letpao Haokip chun, mipuihai chu titthawng lo le beidawng lo dingin a thlamuong. Sawrkar chun tuilien leia harsatna tuorhai a thangpui ding thu le thangpui ngaihai chun 94-02-88-14-82 dial dingin an hriettir. Flood Control Teams 3 chu Porompat, Bazar area le Lamphelpat hmun haiah sie an nih tiin a hril.

DC in NID/IPPI second round a hawng ding

CCPUR: April 2, 2017 khin District Task Force-Immunization (DTF-I), Churachandpur hmalaknain Churachandpur district pumpuiah National Immunization Day/Intensified Pulse Polio Immunization (NID/IPPI) 2017 second Round nei ning a tih.

Round hi hi ni zingkar 7:00AM in District Immunization Office Compound-ah Mr R. Sudhan, IAS, DC, CCPur in khuollienna thangin hawngna le thuhrlina hun hmang baw a tih. Hi huna hin Dr Kim Simte, CMO, CCPur chun CCPur-a Intensified Pulse Polio Immunization (IPPI) chungthu hril baw a tih.

Nuhmei pakhat inkhailum saa hmu

CCPUR: March 31, 2017, zingkar 5:00AM khan Ngathal thlanmuol In-ah Ms Ngaizasiam (42), d/o Khupkhanuan of Zion Veng, New Lamka chu inkhailum saa hmu a nih. A ruong hi CCPur Police han an va lak a, a thi dan suizui dingin District Hospital Morgue-ah an sie a, sienkhawm mithi sungchai le Police han thil tul hai an sukfel hnungin a ruong hi Postmortem thaw lovin zani 12:30 khan CCPur

Police han a sungchai kutah an inhan.

Ms Ngaizasiam hi pasal lo nei tah, a pasal le inthe, nau la nei lo a nih. Ni 2 vel In lawi ta lo a um a ni a, iengleia hiengang thil a thaw am ti hriet a ni nawh. Morgue-a inthawk a ruong lak a ni hnunga sunna programme hmang a ni hnungin zani ma khan EBCC Zion Veng hmalaknain New Lamka Thlanmuolah a ruong vui nghan a nih.

CCTV inthutna thu Enquiry thaw dinga Order insuo a nih



IMPHAL: Raj Bhavan, CM Bungalow le Bazar areas haia CCTV inthutna dingin State Home Department chun Plan 2009-10 le 2010-11 haiah Rs. 8,01,54,775 a sanctioned a. Hi thua hin thil fello a um ringhla a ni leiin Manipur sawrkar chun hi thil hi suizui (Enquiry) dingin Order an suol

Enquiry Order hi Dr J. Suresh Babu, Additional Chief Secretary (Home), Govt. of Manipur in 31-03-2017 khan an suo a nih.

gin Pramod Asthana, IPS, Additional Director General of Police chu Chairman ning a ta, Sumant Singh, IAS, Secretary (RD & PR) le Clay Khongsai, IPS, IGP hai members dinga ruot an nih.

Hi Committee chun CCTVs lakna le inzawma tender, installation le hmangnaa thil indiklo a um le umnaw; thil indiklo a um chun a mawphurtu hai zawngdaw an ta, Enquiry report chu zanita inthawk tiem tanin ni 15 sung sawrkar kuomah an peklut dinga ti a nih.

AR han 5KWP Solar Power an inbuk pek



IMPHAL: 9-Sector Assam Rifles hnuoia 45-Assam Rifles chun Assam Rifles Civic Action Programme hnuoia Ramphei Village a Tabitha Children Home-ah 5KWP Solar Power Plant an inthut pek. Hi Home hi HIV positive naupang

hai enkawlna hmun a nih. Electric power umnaw huna staff le naupang han harsatna an tuok hlak leia Solar Power hi an van thut pek a nih. Hi thua hin Home staff le naupang han Assam Rifles chungah lawmthu an hril.

Maoist in ban an puong an lakkir tah

IMPHAL: Maoist Communist Party Manipur in Hijam Irabot Memorial Public School ban an puong khum chu school thuneituhai le inbikremna an nei ta leiin an banna an lakkir nawk ta niin zanita thusuok an siema chun an zieklang. School hin inchnuknain

sumdawngnaa a hmang tia intumna leia ban a puongkhum a nih. Tuta hnung inchnuknain sumdawngnaa hmang an um chun an enliem mei mei naw ding thu Maoist thusuok chun a hril a, chuogang thaw an lo um chun report pe dingin mipui hai an ngen baw.

April 2-ah Digi-Dham Mela nei a ni ding

IMPHAL: Manipur-ah pawisa thang lova in-dawtuona (Cashless payment) a hung um ve theina ding le inzawmin April 2, 2017 khin City Convention Centre, Palace Compound, Imphal-ah Digi-Dham Mela nei ning a ta, hi Mela hi Union Minister of State for Home Kiren Rijiju le Union Minister of State for Railway Rajen Gohain han an hung uop ve ding a nih tiin O. Nabakishore Singh, Chief Secretary, Manipur in zanita Imphal-a Chanchinbumihai an hmu-pui huna a hril.

December 25, 2016 a inthawk khan (for consumers) le Digi Dhan Vyapar Yojana (for merchants) thaw tan a lo ni ta a nih.

Police officer transfer

IMPHAL: Yairipok SDPO sin thaw lai mek Sarangthem Hemanta Singh chu AC/I-MR le CMs office a anti-corruption Cell a attach dinga sawn a ni a, Pramesh Arambam AC/I-MR chu SDPO Yairipok dinga sawn a nih.

Manipur CM Advisor dingin Rajat Kumar Sethi

IMPHAL: Manipur Chief Minister Nongthombam Biren Singh Advisor dingin Manipur sawrkarin Rajat Kumar Sethi of New Delhi a ruot. Rajat Kumar Sethi hi Jharkhand Chief Minister Advisor lo ni hlak a nih.

Rajat hi IIT, Kharapur a B.Techy le Computer Science zo, a hnugna MIT University, USA a MBA le Harvard Kennedy School of Government a Master of Public Administration le Public Policy Analyst inchnuk a nih. Chun, Rajat Kumar Sethi hi RSS huoihawna hnuoia Saraswati Shishu Mandir a int hanglien a nih.

File nikhat bak cheltang lo dingin an hriettir

IMPHAL: Manipur State sawrkar hnuoia Administrative Secretaries le an hnuoia officer-hai chu file hrim hrim an table haiah nikhat bak cheltang lo dingin zanikhan Manipur Chief Secretary, O. Nabakishore Singh chun thusuok a siem. Sawrkar thakwtuhai chu an office seng a hun taka kai a, a hun taka

tin hlak dingin an hriettir baw. Office attendance le inzawmin Department tinah Biometric hmang ni bawk dingin a hril.

Sawrkar tha, inlangtlang sawrkar le Corruption umlo sawrkar a hung um chu CM in a dit leia hieng thil hai hi thaw a nih tiin Chief Secretary chun a hril.

Enruk thaw leiin mi 2 hnawtdawk

IMPHAL: Zanikhan HSLC Exam-naah enruk thaw leiin student pahni hnawtdawk nawk an nih. March 28, 2017 khawm khan exam Centre hran hranah enruk thaw leiin

students 12 hnawtdawk an lo ni ta bawk tiin Board of Secondary Education, Manipur thusuok chun a hril.

CCPur district a chun tuchen hin enruk thaw leia hnawtdawk an la um nawh.

CHANCHIN LAKTAWI CCI in World Autism Day

CCPUR: Centre for Community Initiative (CCI) chun April 3, 2017, 1:00PM khin Malsawm Ability Resource Centre (MARC), Pearsonmunah World Autism Awareness Day hmang an tum. Hi huna hin TMI student haia inthawk special item inentirna um a ta, CCI in Autism le inzawma Video an siem chu Dr Kim Simte, CMO, CCPur in tlangzar a ta, thuhrlina hun hmang baw a tih.

CMO rawiin Review meeting an nei



CCPUR: Zani 11AM khan CMO Mini Conference Hall, CMO Office Complex, CCPur-ah Dr Kimngaihching Simte @ Dr Kim Simte, CMO/District Mission Director, District Health Society (DHS), CCPur inrawinain National Health Mission (NHM) Review meeting nei a nih.

Hi huna hin Seibo Mate, District Data Manager, NHM chun Rashtriya Bal Swasthya Karyakram (RBSK) le Rashtriya Kishor Swasthya Karyakram (RKSK) fedan a hril a, Zengaihlu, District Program Manager (DPM), DHS Churachandpur chun

indawna um thei ding hai dawna a nei a, Vung Mary, District Community Mobilizer, NRHM, Churachandpur chun Block Program Management Unit (BPMU) le ASHA hai mawphurna hai a hril.

Meeting-a hin DHS hnuoia Department tum tuma mawphurna nei hai bakah Staff hai Attendance chungthu hriltlang a ni a, CHC/PHC a Medical Officer i/c, District RKSK program Manager, District Logistic Officer, District Accountant le Block tum tuma BPMU staff hai an rengin mi 32 vel meetinga hin an thang.

JPF inrawinain tawng tairuolna

CCPUR: March 31, 2017, 7AM -3:00PM inkar sung khan Joint Prayer Fellowship hmalaknain New Lamka huomsunga Kohran tum tum thanguol han New Lamka Baptist Church (NLBC) Elim Veng ah Kohran le hnam sunga harthama a tlung theina dinga bungheia tawngtairuolna hun an hmang.

Bunghei tawngtairuolna nei huna hin New Lamka huopsunga tawngtairuolna tum tum hai an thang tawl.

Tekin pasal pakhat a deng hlum

JIRIBAM: March 30, 2017 sun dar 11 vel khan Jiribam District-a Borobekra Sub-Division huop sunga Jakurador Part-II ah MGNREGA Job Card sin thaw lai Nilakanta Das (45), s/o (L) Boikanto Das of Durgapur chu Tekin a deng hlum.

Gujarat Assembly in Cow Slaughter Bill a passed; kum 10 chen jail intangna thei



AHMEDABAD: Gujarat Assembly chun Opposition members hai um t hang lovin le dodaltu um lovin Gujarat Animal Preservation (Amendment) Bill, 2017 chu lungeul takin an passed.

Hi bill dungzui hin Bawng that le that dinga

tawl khap a ni a, sawrkar thuneitu haia inthawk phalna/permit nei hai chauin Bawng an tawli thei ding ti a nih. Chun, permit nei hai khawmin zan huna Bawng an tawl phal lo a ni a, tuta hmaa permit pe theitu officials 25 ni hlak khawm 7 a suktlawm a ni

a. hi dan bawsie le thiem-naw inchantir hai chu kum 10 chen jail intang thei ding a ni bakah Rs. 1-15 lakh chen fine chawi theina a ni ding a ni a, Bawng thatna le inzawma thiemnaw inchantir hai chu bail theilo ding (non-bailable) an ni bawk ding a nih. Chun, hi dan kala Bawng phurna motor man a ni chun sawrkarin a kawm sawng ding ti a ni baw.

Gujarat state hi India rama Bawng tawl le thatna chungchang dan khou natak le hiengang hremna dan natak hmang hmasa tak a hung ni ta ding a nih.

EMPLOYMENT NEWS/
SIN RUOK

HMAR TAWNG PART I & II
(In Hmar tawng - I)

- Timothy Z.Zote

(Mi tam takin an ngena angin pholang a nih)

“Khuonu ruot kan tawng mawi,
Dairiel chang din phal naw e,
Manmasi hrai lenghai din a mawi chuong,
A sakhmingah Hmar Tawng Part I & II,
Thang thar tawna chuoil lo par ieng vul pei sien,
Lei huoi khuovela lawi ang inthang zuol sien,
A tawng ngei chun thang thar lanu val ha’n,
Biethu tinkim inhlam dunin,
Tiena Lersi khampat Bung a lo phun angin,
Ei tawng mawi em em hin,
Remna le muongna puong suokna,
Hmasawntirtu, Lung inruolna, Chanchintha puongna,
Malsawmna tawng ni dingin,
Sen lai nau ang duot taka enkawlin,
Aw ka thlir, ka ngakh hla Zo ram dung le vanga
Hmar tawng tui ang lien zuol pei ding,
Duai ka sam val lungmawl hin”

Kumpui sang tam tak inlier hnamnungah, Khawvêl hnam zetinrênghai hna ang an iender thar mək laiin, khawvêla hnam upa pawl le tawng un em em hmagtu ‘HMAR ARASI’ hming hiel neitu, hnam zaidam, hnam inthuruol, Hotu thu awi hnam, sakhuona tienga mawng zang tak le Pathien hnam thlang Israel hnam kaupêng laia pakhat Manmasi/Manashe thla nia insal hnam chu ei nih ti inla leichawina le lungin hiela inkhum um em a tim!

Ni le thla a thar angin tawng hlui chu tawngtharin a hung thlak pei a. Thanghlui mithiem chu thangtharin a hung thlak pei chu a ni hi. Thanghlua ei zairem thiem le zai hlasakthiemhai khawm thangthar zai rimawi remthiem ha’n a hung thlak pei baw. Iengtin am dārkar 24 sūng hi atung asuk, inruolrem lo tak tak hi ei hmag ding? Ngaituoa “maten ka dawn chāng chun duthu kimten sām a harsa ka ti hlak”.

Ni khat chu, Hmar tawng hausakna le mawina ka sui ta chiem el a, ka sui chau khawm ni loin ka hei ziek ta hem hem el a, ka lo ziek tuihai ve khawp elin kan hriet a. Amiruokchu, thenkhat Hmar tawng thiem tiin le a tawng neitu bik (chawngpu) inti tak tak hin an mi hung zil ta zek el a, hi hun hi Editor sin Thuva, Bi-monthly Magazine, Aizawl ah ‘96 a ka thaw lai a nih a. Nisienlakhawm ziek tienga tha inthak ve tak ka ni leiin, ienga khawm ka ngai chuong naw a, ka thaw pangngaiin ka sunzawm zing tho a. Chuongang hrim chun ka tawng sui le ei tawng hausakna ka sui chun zuol tienga a pan ta sau sau a. Lekhabu rawn tlak ding awm awm rawnin Hmar tawng Part I & II ti hming ka hung phuok suok thei ta hlau a nih.

Chun, hi chungchāng a hin ka fena hmun hrang hrang le kan pawl pui hai, a bikin tawng tienga nasit mi le ziektienga kut inthak hlakhai nia ka hriet hai kuoma chun hun a um phawt chun ka hril mawl mawl hlak a nih. Chu ka hrilnahai hlak chun hnungzieng min sawn el lovin ei tawng nasit pawl, Thalai inzwamkhawm pawl le hnam thil ngaituoa pawlhai hin hma nasa takin la tharhai sien ti chu an nuom dân a hung ni pei bawk si.

Hieng hi a lo ni ta si chun, state dang dang a ei tawng hmagna hai le subjecta neia ei inchūknhai Part I le II ti inla a fel hle ta awm de, ti chu mi kan pawl pui hai ngaidân a hung ni ta pei chu tie!

Hun le ni thar, ram tung hrang an inhnig, ei chêngna leihnuoi khawm a to taw̄k baw̄k bik nawh. Kum khat lai khawm khan Gujarat State an hning a ni kha. Eini khawm hi ei um hmun insawna hi khawvêl ei chêngna sūnga ei inzawmna le ei inkawpna, inngainatna taw̄ng hmasawna ding bik ngaituo chu zingkar bu fāk a tūl angin a tūl ve ta naw maw? Nang tiemtu mi fel, iengtin am i ngai?

Hmar tawng le inzuoi hi chi hran hran a um a, hnam khawmin pêng tam tak a nei a, (tuhin chu ziek vawng hman nawang ei tih) i.e Thiek, Zote, Hrangkhawl, Vaiphei, Simte, Darlong, Mirong, Biete, Ngawn (Burma), Lamkan, Chiru, Chothe, Kom, Pang, Aimol, Bawm, Lungtau, Darngawn, Dulien, le a dang danghai inbel khawm hin tawng mawi em em, ri hriet ta chun thiem chāk um em em el inchūk nuomna pung el hlak tawng pahni a suok a, chu chu a pakhatnaah tuta ka ziekna tawng pahnam hrang hrang tawng inbel khawm hi a nih. Chuleiin, Part I ah sic ni sien tiin ka sak a nih. A pahnaah ei Pahnam laia, Faihriem hnam Dulien hnam thenkhat chun Lusei tawng an lo ti hman vāng, amiruokchu, Hmar Tawng indik tak, amiruokchu, a hmagtu an tam em lei le Mizoram hmag inlār a ni a, State pakhat mea hmag bik a ni leiin hma a sawn a, chuleiin, an dar zau hrāt em em. Chun, hi Hmar tawng Part II hi chu thenum/Tuolbawmhai khawmin hmag inhaw an ti a, chuleiin an mi hawpək nasa ta em em. Ei puon (Hmar Am) an haw hai hlak Nuhmei Pawlin an lāk̄kir zo ta naw ma ni ding? Ei hriet phāk ta nawh. Hieng ang hin an mi haw sawng pək nawna ding hin tiktiet le khir a tūl hlein an lang tah.

Chuleiin, Part I & II hi Hmar tawng Part I & II a ei hnam hming ziek a ni naw chun, Literature tui lienin ei ro hu em em tawng mawi le hausa em em hlak chu. Lala le Lieni haiin biethu, thūva ienga hmagaina an lo sepnā tawng. Pasiēt le tawng rethei an chang el ding a nih. Ei thlatu Manmasi meu khawmin a phal ring a um nawh. A rauthlain iengtin am a ngai ding ...!

Thil pakhat nawk chu : tawngah ditti nāwng ei ta, tawng kam sep, lekhabu le chanchinbu tiem uor ei tiu. Ziek rawn tum inla, inhawk rawn tum baw̄k inla, chu zova Literature Dept. ha’n thlit fim hai sien. A vār ta maw an tihai chu subject-ah mipui le inchūkklai məkhai dawn dingin awlai tak le langsar takin zawrin thang la hai sien ei literature chu khawp le hrisêl, kumpui inher peiin um tâng a ta, tar vuoi le tui ang chimpil ni um ngai nawng a tih.

Thalai takin literature hausakna chu ei dawng seng

ding a nih. Chun, Artist dept. khawma tawng rimawi Part I & II ei nei a, chuleiin Mizorama khawm khin zaihla sak thiemhai khi Hmar hraichawi tam tak an um. A chunga ei hril ang khin tawng ziek le hla tieng hin thikthu sukse lovin, ditti lovin um inla, Bāwng khawm a bu (hlo) pet ding a suokin a ditti chun a thau hle ngai nawh. Chuleiin, hmêl literature thau tak le fāk chākum tak ei ni seng theina dingin ditti loa um chu a pawimaw hle a nih. Chuleiin, ei liengkoa inngat seng a nih ti theinghil lovin vawng tlatin thang la thar ei tiu.

Khi a chunga inkhina khi mak tak le danglamah ngai nawng ei ta, ei tawng ni sia ei hmag zing ni si tekhnā’ nei thenawm pân (pansak/panthlang) Bawngtuthlaw a haw, inchikna khawm i siem a. Amiruokchu, a hawna a sawt tāk em leiin, i lo ngaisak ta naw chun, chu chu ta neiin a nei thei. Chuleiin, ei tawng ku hin ei inchikna khawm ei tawng 100 ah 70 vêl ei tawng Hmartawng Part I a nih. Tukhawm a lungsen um nāwng an tih. Ei thil min an haw a ei hril lang a ni ve chau a ni lem. Chuleiin, ei inchikna tawng ri le thumalhai hi zaah sawmsari vêl hi ei tawng a ni tlat lein lāk̄kir tum lovin ei ta zing a ni a, a neitu ngei, a neitu indik tak ei nih ti pasalin a Pasalna hre a, pasal a ni ang taka Nuhmei a nei angin, Nuhmeiin Nuhmei a nina ang taka pasal a nei angin ei nina hi mitpawng raka ei inhmuffie a tūlin an lang. Hrietiengna chu a huoisen a, huoisenna chun rāl a hne hlak. Ei pu Dr. Sura khawm hung tho nawk ta ang sien ama khawma an vawi em em ring a um. Ei insūnga thil tha em em inrutu le mi lapək tumhai chu ei inhnai pui amanih, mi hrechieng, tuolbawm, pansak, panthlang an ni nuom hle. An leh, Sura’n sekibusuok a dēng thlāk/pei kha tuin am a lāk a? Nahaiin. An leh tuhin a thak ta? Pu Sura ngei khawm kha’ng ang kha a lo tuok ta lei kha, a hrietthiem ring a um hle. Hieng ang tawng hrietsuokna chāng inhniet hi lawmum ka ti a, ei tawng mawi le ngaitlāk inhawi em em, a ri ei hriet ta chun ngaitlāk zing nuoma a um. Chun, khawlaikhawm lung a dum a, sawl a sukhadama. Pu Sura baw̄k kha la dam sien, thangthar mithiem vāl/lanu hai khawm HMAR TAWNG I & II hmag ngai naw chu dam sūng puonsil intawmpui dingin thlang ngai rēng rēng naw ro a ti hiel ring a um. Chun, Nahaiin Sekibusuok a thak naw ang kha tukhawm tuolbawmhai hin thak zai rēng an rēl ring a um nawh.

Chun, tawng thuah a chipchier metin la hang sui ei tih. Dr. Lalhangfala Sailoin Mizo Tawng Zirzauna Mizo Literature Academyhai Published-a Mizo tawng inher danglam dân a ziekna a chun “Luseite (Lushai) chu Mizo hnam pēng thūam zinga pēng khat mai an nih ziateh an tawng chu Lusei tawng an ti a, ‘Duhliang Tawng’ pawh an lo ti ve nual thīn a nih thu a sawi baw̄k. Sawi tawh ang kha he tawng hi Mizo pēngthūam zinga tawng lār ber leh Kolasiātāng Phawngpui tlang thlengna hman theih 1884 hma lam pawhin a ni tawh kan tih kha, tiin phêk 27 & 28 naah a lo ziek. Chun, Part II hi A, AW, B 1894 kham Mingohai Savidge le Lorain ha’n Roman Script hmagin an hung siem suok, chungchun hma a hung sawn pei a, Part II chun 1930-in Calcutta University chun Matric chen Vernacular inchūk thei din a lo pawm tah a, Gauhati University-in B. A. chen 1962 inthawkin a pawm nawk a, 1993 a’nthawk kha North Eastern Hill University chun Honours chen Subject pakhat a hmag ta baw̄k. Kum 1972 a’nthawk kha “Lushai” tia an lo ko hlak hming chu “Mizo” tiin College tieng chen Gauhati University chen an thlāk ta a, School le College danghai khawma ‘Mizo’ tiin an thlāk ve vawng tah a nih. Tawng Part II hin hma a sawn em em a, hi lei hin Hmar tawng II thiem hân lecturer sin an hung hmu pha! Literature hma a sawn pha hle baw̄k. Chun, Hmar tawng Part I khawm kum 2003 kha B. A. M. I. L. chen a dingin Manipur University chun a lo pawm ta baw̄k. Hiengang tawng chi hni inlār tak tak ei nei lei hin inel an hawi a, chun, sin khawm ei hmu rawn pha ring a um.

Mi tam tak chun Hmar tawng a nih ti an la hriet nawh a, an hriet nawna chu an felna a ni lem hlau. Chuleiin, hi thu le inzawm hin nasa takin ram siem ei ta, Manmasi thlahai hi khawvêl pumpuia Literature hausa tak ei la ni ngei beisei a um. Chun, ei pu le pi tawng hi tukhawmin humhal inla. Ei zakuo le ei sil le bil ang ngai vawng tlat a, chel tlat din thangthar Lanu/Vâl ei infiel a nih.

Puokthei chawi a, hnam ta danga pēn suok a, lum le dei hril lova mise/thangthām kārāh. La pieng lo ram suol suok tum a, kir zai rēl lova, Samak lamlawn anga beiseina khahruoi sei tak el chu, ni suok ding ngākin an hmasuon mək lai hin ei ni khawm ei thaw thei ve taw̄k, ziek le tiem, Hmartawng I & II lekhabu inhawk rawn a tūl hlein an lang.

Tawng hi Pathien mi pēk a ni a, chuleiin ei enkawl thā naw chun, hi a hnuoia tawngthai ang hin, ziekthei le suitheiin um sien khawm a thi thei a nih. Tuhin Aramaik tawng chu hril lo, Greek tawng hai Latin tawng, Sanskrit, Gothic, Hebrai tawngthai tukhawmin an hmag ta nawh, Genia rama tawng pakhat ‘OUBYKH’ an ti chu tuta hma chun mi singna vêlin an hmag hlak a. Caucasian tawng laia tha pawl taka ngai a ni ve hlak a. Chu tawngah chun Consonant 82 a um a, vowel chu pathum (3) chau a um, chu chu tawng la hmag thei chu mi pakhat chau a um ta a, ama chu 1984 kha chun 82 mi a ni tah a, tuhin chu a borat tah ring a um (sui sei dāl ei tih).

Tawng hi hun hung tharin tawngthar a suok pei a, chuleiin a hlui hai sie thātna tha tak, ei ngaituo naw chun literature hnungsaung ning ei ta. Ei tawng le ei nina vawng that hi thil inzakum le thil awm lo a ni nawh a, a mi siemtu chawimawi ei ni lem a nih ti ei hriet nuom a um hle. Babel Insang anhawk kha tawng tam tak um ding a pathien ruot a ni kha.

1. North Eastern Council Secretariat, Shillong hnuoiah deputation basis in Director, Information and Public Relations post 1 a ruok. Inhnikna nei han Director of Administration of NEC Secretariat, Nongrim Hills, Shillong hmunah advertisement insuo a nia inthawk ni 60 sungin application peklut thei ning a tih. Application forms/Curriculum Vita Proforma le thu chieng lem NEC Website: http://necouncil.gov.in ah hmu thei ning a tih. Hlaw: Rs. 12,000-375-16,500 (5th CPC)/PB-3 Rs. 15,600-39,100/- G.P Rs. 7600 (6th CPC) corresponding to Level 12 of Pay Matric of the 7th CPC.

2. NIT Manipur hnuoiah Junior Reserach Fellow (JRF) post 1 a ruok. Inhnikna nei han thu chieng lem www.nitmanipur.ac.in ah hmu thei ning a tih. Educational qualification M.Sc. Physics from recognised University.

Kum 3 liemta sung India rama
vuongna tuoksiet tuok 24

NEW DELHI: India rama chun tukum February, 2017 chen kum 3 liemta sung khaan vuongna tuoksiet tuokna vawi 24 a tung a, hieng thil haia hin mi 28 in thina an tuok tiin Minister of State for Civil Aviation Jayant Sinha chun zanikhan Lok Sabha an hrietir. Tu-
kum chu tuचना hin India ram sunga vuongna accident a la tung nawh tiin a hril. Kum 2016 khaan vuongna accidents vawi 7 a tung a, kum 2017 khaan vawi 10 le kum 2014 khaan vawi 7 vuongna accident a tung baw̄k a nih tiin Mr Jayant Sinha chun a hril.

April 1 a inthawk Airport-ah
bag tags um ta lo ding

NEW DELHI: April 1, 2017 a inthawk hin India a Airport lientak hai laia 7- Delhi, Mumbai, Kolkata, Bangalore, Hyderabad, Ahmedabad le Cochin hmuna hai chun “security checked” thawna a bag tags stamped thaw a ni ta naw ding thu zanikhan thusuok an sie. Hi thua thutlukna chu Central Industrial Security Force (CISF) hai siem niin, domestic le international passenger hai huom vawng dinga ti a nih. Bureau of Civil Aviation Security (BCAS) in Airport liena hai hin handbag ‘stamping’ thaw ta lo dingin February 23, 2017 khaan ngenna a lo siem a, tuta Airport 7 hai hin Chennai Airport ti lo chu India rama Airport lien hai chu a huom vawng a nih.

Cycle ban tumna a um nawh: Gadkari

MUMBAI: Union Transport Minister Nitin Gadkari chun khawpui sung lampui haia Cycle khap tumna a um nawh, chu nekin sawrkar chun pollution subkbona dinga cycle hmag uor lem dinga hma lak a tum a nih tiin reporter hai in-dawna dawnin zani hmasa zantieng khaan reporter hai kuoma a hril. Ei rama pollution pung pei sukzieum le subkbona dinga transport tha tak chu Cycle hi a nih tiin Gadkari chun a hril a, hi thila ding hin Delhi-Meerut expressway bagah Nagpur khawpui thakin India ram khawpui tum tuma lampui haiah cycle tlanna ding special cycle tracks siem tuma hmak a nih tiin a hril a, India mipu hai chu a thei china cycle hmag dingin a fiel baw̄k. Tulai hnai el khaan Parliament-ah Motor Vehicles (Amendment) Bill 2016 phar a ni a, hi taka hin Parliamentary Standing Committee chun non-motorised vehicles hai chu metro cities le highway main roads haia khal khap ding ti a thang a, hi thil hi non-motorised vehicles han road rules tha taka an zui ngainaw leiin traffic sub-buoi hlak leia thaw tum nia hril a nih. Parliament Panel in rawna a siem hi mi tam takin an dōdōl bakah mi 7,500 chuong han online petition an peklut a nih. Cycle ban tumna hi “Anti-People, anti-poor” a nih tiin nasa takin an sawisel a nih.

President Pranab Mukherjee
in Padma Awards a sem

NEW DELHI: President Pranab Mukherjee chun March 30, 2017 khaan Rashtrapati Bhavan, New Delhi hmunah Padma Award semne le inhlanna a nei. Hi huna hin Lok Sabha Speaker hlui (L) P.A. Sangma chu a thi hnung (posthumous) in India rama civilian chawimawina insangtak dawtu Padma Vibhushan inhlam ve a nih. Padma Vishushan inhlana um midang hai lai BJP leader Murli Manohar Joshi, Nationalist Congress Party Supremo Sharad Pawar le ISRO Chairman hlui Profesor UR Rao hai an thang.

Chun, hi huna hin yoga guru Swami Niranjana Nanda Saraswati, Thai princess Maha Chakri Sirindhorn le Tehemton Erach Udwadia (India rama father of laproscopic surgery nia ngai doctor) hai chu civilian chawimawina insang tak pathumna Padma Bhushan inhlam an ni a, Cricketer Virat Kohli, Bollywood singer Anuradha Paudwal le midang thabnemtaw̄k tak kuomah Padma Sri inhlam an ni baw̄k.

Award Ceremony hi Vice President Hamid Ansari, PM Narendra Modi, Lok Sabha Speaker Sumitra Mahajan le milien milal dang han an uop.

VAWISUN THUPUI
Chuongchun Lalpa chun Kaina kuomah chun, “Iengdinga i lung a sen am? Iengdinga i hmel a hung inthim am? Thil i thaw tha chun inpak i hlau naw ding am a nih? I thaw tha naw ruok chun suol chu kawtkhar bulah a baw̄k zing a nih: a ditzawng chu nangma a na, nisienlakhawm, a chungah thu i nei ding a nih,” a ti a.
- Genesis 4: 6-7

Editorial
Chief Minister thu hril

Manipur Chief Minister thar Nongthombam Biren Singh thu hrilhai hi a tha a, a ngaitlak an hawiin a hadamthlak hle. A thu hrilhai a bawzui a, a takram a hung inthun thei chun Manipur-ah inthlakthlengna a hung um ding niin an lang. Ram changkang hai khawmin inthlakthleng an nuom ang bawkin Manipur mihai khawmin inthlakthlengna a hung um ei dit seng. Inthlakthlengna a um naw chun ramin hma a sawn thei tak tak ngai nawh. Hi lei taka hi mipui han inthlakthlengna a hung um hi ei dit tawl a nih. Sawrkar thar ei nei bawk a, mipuihai khawmin inthlakthlengna a hung um hi lo beisei phawt ei tiu. Inthlakthlengna a um ding chun a ram mipuihai khawmin ei ngaituona lungril ei thlakthleng a tūl a nih ti hi mipuihai khawma ei hriet tlat a tūl a nih.

Nongthombam Biren Singh in Manipur a tlang-mihai hmasawna ding a sawrkarin a ngaipawimaw ding thu a hril hi thu tha le thu lawmum a nih. Hiengang tawngbau saksuok ngam hi ei ram thuoitu, a bikin Meitei thuoituhai lai an la um nawh. Ram thuoituhai chun tlangmi le phaimihai pakhat ei nih. Tlangram le phairam haiah inangrawngin Development work thaw ning a tih tiin an hril ngam taw̄k. Amiruokchu, a takram hmu ding le hriet ding a um nawh. Ei CM thar hi pa huoisen tak a nih. Ei rama thuoitu danghai hril ngam lo a hril a nih.

March 30, 2017 a Ukhrul District sunga Tangkul Naga khaw 12 a lal (headmen) han a office a an van hmupui huna khawm Nongthombam Biren Singh hin tlangmihai le inrem a nuom thu, tlangmi le phaimihai lungruol taka an hung um theina dinga hmalak chu a thiltum a nih tiin a lo hril. Hieng a ni lei hin ei rama sawrkar thar chungah hin tlangmihai khawmin ei lungril kawat hawng ve seng inla nuom a um. State pakhatata chengtlanghai ei inrem theinaw a, ei inthuruol theinaw a, ei inpumkhat theinaw chun ei ram hin hmasawna nei thei tak tak ngai nawng ei tih. Mani le mani indo ram le hnam hrim hrim khawvelah ram changkang an la um nawh. Changkang ei nuom chun inthuruol a tūl a nih.

CM Nongthombam Biren Singh thu hril le tawngbau suok hin unau Naga-hai lungril a hne ning a tih. Hungtlung ding April 6, 2017 khin N. Biren Singh in Chief minister chawno a chel puihua taka Ukhrul-a lawmna nei dingin an insingna mup mup a nih. Hi lawmna hin ra tha a hung insuo nuompui a um khawpel. Ei hriet seng angin CM hmasa leh khaan chu an inrem naw a nih. CM hmasa le a ministerial team District Hospital, Ukhrul hawng dinga Helicopter-a an fe tum kha silai le bomb hmanga lo bei an nih. Thi le hliem an um pha baw̄k. Tuta tum ruok hin chu khangang buoina kha a tung ring a um ta nawh. Chief Minister thar lawmna hi Senapati le Tamenglong haia khawm nei an la tum pei nia hril a nih.

Churachandpur District mipuihai khawma state sawrkar kuomah thil dit le ngen ei nei a. CM in inbi-iek dinga a mi fielna le tosan el nek chun inbi-iekpui chu thiltha a hung ni lem ring a um. Inbi-iekna naw chu lampui dang a um nawh. Ei thil dit le ngenhai chu a thar taka ei hril nawn nawk hi ei mawphurna a nih. Thil iengkim hin hun a nei a, a hun lai le a tui infawn that lai taka ei baw naw chun thaw suol pal ei tih ti hi inlau um takel a nih. Ei unau Naga han CM thar fielna an pawm a, ei ni rawiin ei pawm thei naw a ni chun a mawphurthu ding le a thiemnaw lem ding ei nih.

CM thar thu hril le tawngbau suokhai hi a tha a. Thaw dinga a hrilhai hi a bawzui pei ding khawm a hawi. Ngaisak lo le tosan el chu thil lampui le thil thaw dan ding niin an lang nawh. Thuoitu hmasahai khaan an thu hril le an thu intienna an bawzui naw a lo ni khawma sawrkar thar hin chu a hung bawzui pei ding niin an lang. Hi lei hin inbi-iek theina dinga sawrkar tui-fawn lai hin baw inla a that ring a um. Baw fuk naw tawpah khawm ei ta dinga sietna le inhmangna ding um nawh. Ngaidan le thutlukna siem fel a hun.

IT Industry in thawktu 3.86 million

NEW DELHI: India rama IT Industry haiin thawktu 3.86 million an nei mek a, kum 2016 nekin 1, 73,000 in an tam lem a nih. Hieng IT Industry a sinhawtu a tam lem chu technology (engineering le post graduates) an nih. IT Industry a thawktu hai laia 1.3 million chu nuh-

mei an na, IT Industry hin thawktu detlo 10 million vel a nei baw̄k. Kum hni liemtah sung khaan, mobile manufacturing unit 72 hai chu nuhmei le naupang ruoi-in, mi harsa hai thangpuina kawngah hma an lak niin Technology Minister, Ravi Shankar Prasad chun zanikhan Lok Sabha-ah a hril.

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien@SZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

Churachandpur Weather Forecast: April 1, 2017(SAT)

SAT MORNING	SAT AFTERNOON	SAT EVENING	SAT OVERNIGHT
Chance of a shower	Risk of a thunderstorm	Risk of a thunderstorm	Risk of thunderstorms
21°C	27°C	19°C	17°C
Feels like: 21	Feels like: 28	Feels like: 19	Feels like: 17
POP: 60%	POP: 40%	POP: 60%	POP: 40%
Rain: ~1 mm	Rain: ~1 mm	Rain: ~1 mm	Rain: <1 mm
Wind: 5 km/h SW	Wind: 10 km/h W	Wind: 5 km/h SW	Wind: 5 km/h W
Wind gust: 11 km/h	Wind gust: 16 km/h	Wind gust: 7 km/h	Wind gust: 5 km/h
Humidity: 85%	Humidity: 89%	Humidity: 94%	Humidity: 95%

The Weather Network

ALL INDIA RADIO: CHURACHANDPUR PROGRAMME
Date: April 01, 2017 (Inrinni)
TRANSMISSION- FM-101.4 Megahertz

Hours	Studio/	Programme
5.23pm	CR/P	Signature
5.25pm	CR/P	Vande Mataram, Time Reading, Opening Announcement & Mangal Dhvani
5.30pm	P	PAITE Prog. Sig. Tune & Announcement Announcer: Ellen Lawmngaihkim 1) Donny Donbiakmoi (dev) 2) Employment News
6.00pm	P	HIMAR Prog., sig. Tune & Announcement Announcer: Malsawmkim 1) Paul Lallawmsang (dev) 2) Gospel Messenger (dev) 3) Employment News
6.30pm	P	THADOU Prog., sig. Tune & Announcement Announcer: Sillienmang 1) Benjamin Khongsai (mod) 2) Employment News
7:00PM	P	Farm & Home: Thadou 1) Wricky Singson (mod) 2) Talk: "Make in India" by Khamkhotinsei

LAKTAWI

President in Ms Mamata Banerjee a fiel ve

NEW DELHI: President Pranab Mukherjee chun April 8, 2017 nia Rashtrapati Bhavan hmuna Bangladesh Prime Minister Ms Sheikh Hasina puola thlaithleng a buotsai (official dinner) -ah West Bengal Chief Minister Ms Mamata Banerjee khawm thang dingin a fiel ve.

Bangladesh Prime Minister Ms Sheikh Hasina hi April 7, 23017 khin New Delhi a hung tung ding a ni a, May, 2014 a inthawk Mr Narendra Modi in India Prime Minister a chel hmunga official thila India ram a hung inzinna hmasatak ding a nih.

TNCS hlui a sina laklut nawk

CHENNAI: Income Tax (IT) Officials han a chengna in le Secretariat-a a office hmuna an dap huna a sina inthawka suspended Tamil Nadu Chief Secretary hlui P. Rama Mohana Rao chu a sina laklut nawk a ni ta a, hi le inzawma Order chu zani hmasa khan insuo a nih. Mr Rao hi Director, Entrepreneurship Development Institute sin chel dinga ruot a ni a, hi sin cheltu K. Rajaraman chu Land Administration Commissioner sin incheitir a nih.

Chun, Ashok Ranjan Mohanty, IAS chu Archaeology Commissioner sin chel dinga ruot le S. Divyadarshini chu Secretary, State Human Rights Commission sin chel dingin Tamil Nadu sawrkarin a ruot bawk.

ATM booth sunga chil sak phal lo

GUWAHATI: Guwahati khawpui sunga ATM booth sunga hai chil sak khap a ni thu zanikhan Kamrup Deputy Commissioner (DC) in thusuok a siem. ATM booth sunga chun gutkha le kuva chil sak hai khap bik zuol an na, thusuok pawisa lo hai chu nataka hremna pe dingin Kamrup DC in thusuok a siemna a chun a hril.

ATM booths sunga hin mi thenkhatin kuva chil an sakkhum hlak thu DC kuoma hin an report a, hi thu hi ngun taka ngaituo a ni hmunga khapna thusuok hi siem a nih. ATM booths a chil sak hin mi-hriem hriselna a suksiet thei bakah, ATM booths a suktawp leia khap a na, hi thil hin mi-hriemhai thieng-hlimna khawm a sukbuoi niin Kamrup DC thusuok chun a hril.

ATM booths haia chun CCTV camera inbuk vawng an na, thusuok bawsietu mansuok an ni chun hremna natak pek ding an nih tiin thusuoka chun a hril sa bawk.

SA-ah Indian workers 29 sansuok:Swaraj

NEW DELHI: External Affairs Minister Ms Sushma Swaraj chun, Saudi Arabia rama sinthava inhlawfa mi 29 hai chu India sawrkarin Saudi Arabia rama inthawk a thuoisuk a, India ram an hungna ding vuongna ticket man khawm sawrkarin a tum pek a nih tiin a hril.

Pakistan social media haiin J&K protesters hai an thuhne a nih: Rajnath Singh

NEW DELHI: Union Home Minister Rajnath Singh in Jammu and Kashmir a thalai hai chu security force hai laka helna siem ta lo dingin infuina a pek. Security force haiin Kashmir phairuoma helpawl pakhat an kaphum leia thalai ruolin helna an siem leia Home Minister hin a hril niin, ni 2 vel liemtah a inthawk khan Kashmir hmuna civil mi le security force hai inkara hin buoina um ta a nih. Security force hai chu thalai ruolin lungin an deng a, security force haiin mipui hnawt dama dingin tear gas an kap deu zing bawk leiin, mi tam takin hliemna an tuok ta a nih. Hi thil tung le inzawm hin, J&K Police



chief in 'security force hai lungta dengtuhai chu mani inthah (suicide) ang an nih' a lo ti hiel a nih. "Jammu and Kashmir hmuna thalai lungta Security force hai dengtuhai hi ka ngaimaw hle a, hieng thalai hai hi Pakistan hmuna force thenkhatin an thuhne (brainwash) a nih. Hieng thalai hai hi Pakistan thuhne dinga um lo dingin ka dit a nih. Pakistan hin hieng ang thil thawa India sukbuoi a tum a nih" tiin Rajnath Singh in zanikhan Lok Sabha-ah a hril. Terrorist hai chungthu khawm Home Minister chun a hril a, terrorist hai chu an chet dan dungzuia an

chungthu ngaituo ding niin a hril. "Ei sipai haiin terrorist hai chu an nina anga inthawpui dingin an ngaituo mek a. Tuhin ei thaw tah a, ei la thaw sunzawm pei ding a nih" tiin Rajnath Singh chun a hril. Rajnath Singh chun Pakistan thangsana social media group hran hran hai a dem thu a hril a. "Social media groups hieng WhatsApp le Facebook hai hi thalaihail lung sukthona dinga hmang an na, social media hai hmang hin thalai hai kei khawm an nih. Hieng social media groups hai hi Pakistan a inthawka enkawle, India sukbuoi tuma thang latu an nih" tiin Rajnath Singh chun a hril. Karhmasaa Budgam hmuna inkapna a tung tum khan, a sevela civil mi 3 that an na, midang 18 haiin hliemna an tuok phabaw. Hi hnungin chu lai hmuna thalai ruol inhawr khawmin Security force hai lungin an deng a, helpawl hai an inreilmangna ding lampui an siem pek a nih. Army Chief General Bipin Rawat khawmin lungta Security force hai dengtuhai hi vauna thu a hril tah a, Kashmir phairuoma anti-terror operation daltu hai chu anti-nationals anga ngai ning an ta, an phutaw hremna pek ning an tiin Army Chief hun a hril.

INHRIETTIRNA
Ka nu Rebeck Lalmankim (Mani) Rengkai Muolhlum, kan hrietpui lo a thil iengkhawm lo thawpuitu in um a ni chun, ka insung hin ieng khawm mawphurna la nawng kan tih. Insung hung chawkbui zawnga khawsa in um chun in chunga action lak lem ning a tih.
A naupa
-David L. Zote

Benefits of Tender Coconut Water

- Good Digestion
- Perfect Hydration
- It's 100% Natural
- Perfect Functionary of body
- For Pregnant women and nursing moms
- Essential For infants and Kids
- Revitalizes Seniors
- Life line for patients
- The Sports Drink
- A Travel Companion
- A Natural Aid for Flawless Skin and to look younger
- A hangover Helper
- Best companion for Diabetes patients

Available at all leading Pharmacies

(7-6)

South Sudan-a India mi 2 thuoimang hai insuo tah

NEW DELHI: South Sudan rama India mi Engineers pahni March thlabul laia helpawl han an thuoimang hai chu dam le hima insuo an ni tah. India sawrkarin dam le him taka insuo an ni theina dinga hma a lakna le inzawma hieng Indian Engineer pahni hai hi insuo an ni a, hi le inzawm hin Dar Petroleum Operating Company -a Production Operator Ajay Raja chun External Affairs Minister chungah lawmthu a hril.

Indian Army-ah mi thau han promotion le foreign posting an hmu tanaw ding

NEW DELHI: Indian Army chun a force sunga officials hai lai taksa thau an pung pei suktlawmna dingin dan le dun khalu lem a siem a, hi thil hi dan thar hi June, 2017 a inthawk hmang tan ni dinga hril a nih. Dan thar dungzui hin taksa thau taluo le in fit lo hai chu promotion hmu thei talo ding, foreign posting peklo ding bakah distinguished award pek ta lo ding ti a nih.



Hi le inzawma action plan "Reducing Obesity in the Indian Army" instructions hai chu headquarter in India rama unit tin kuomah a thawndar ta a, sipai le officers hai chu an rikna record tha taka enkai dingin unit tin inhriettir an nih. Senior officers hai chu surprise visits thaw a records hai an khat tawka enfel dinga inhriettir an ni a, an rikna criteria tingzolo lo hai chu United Nations peacekeeping forces thangin foreign posting hrim hrim pek an ni tanaw ding bakah sipai hai chu taksa rik ding chin bakah 10% le a chungtienga hai chu an taksa rikna criteria a ting

Parliament-ah tukhawm celebrity an um nawh: Ananth Kumar



NEW DELHI: Parliament-ah tukhawm celebrity an um bik naw thu Parliamentary Affairs Minister, Ananth Kumar in zanikhan a hril a, Parliament chu ngaidan hai hril tlanga member hai po po thang tlangna ding a ni thu le, members taphawt an thang a pawimaw thu a hril. Inpuia celebrity hai an thang naw thu hril huna Ananth Kumar hin a hril a na, MP hai chu minar

UP Lawyers han strike thaw

LUCKNOW: Uttar Pradesh hmuna Lawyers hai chun Advocates (Amendment) Bill, 2017 dodalna in zanikhan protest an nei. Protest chu Muzaffarnagar, Shamli, Bijnor, Meerut, Baghpat le Ghaziabad hmuna haia nei a na, Advocates (Amendment) Bill, 2017 in Advocates hai nuorma nei a phal naw an dit naw leia protest chu an nei a nih. Advocates (Amendment) Bill, 2017 hi Bar Council of India (BCI) khawmin an pawm naw leiin, zanita inthawkin India pum huopin strike an lo puong ta hrim a nih.

LOSS OF REGISTRATION CERTIFICATE

I have lost my B.Sc. 1st Year Registration Certificate bearing Registration No. 16061447 issued by Manipur University on my way between CCPur College and Rengkai on March 20, 2017. Finders are requested to handover the same to the undersigned.
Sd/- Angela Vanlalmawi
Roll No. 6100193
Rengkai, CCPur.

LAWMTHU HRILNA

Inhnawm harsa ka tiin ka tawla a na hlak a. A chang leh ka kawng a na a, kan hnawmna a inthawk thisen a suok hlak a. MV Azad Phusam ka pan a, a mi enkawl a inthawk ka hung dam ta a. Ami enkawl damtu chungah hin lawmthu ka hril. a pan nuom han Old Bazar, Teddim Road, Near ICI Church Road-ah pan thei le contact Nos. 8014025567/ 7628890261 haiah ngaiven thei a nih.
Time- 8:30AM to 3:00PM
Sd/-Jan Gunuam
Pholjam

Parrikar RS-ah a lut leiin congress haiin risie an siem

NEW DELHI: Zanikhan Rajya Sabha-ah Goa Chief Minister Manohar Parrikar a lut a, congress member haiin an lo suosal leiin boruok a sosang nasa hle. Congress MP hai chun slogan hai hril ruolin protest khawm an nei pha hiel a nih. Tuta thla bula Parrikar hi Goa CM mawphurna chel tan a na, Inpuia hin zero hour huna lut a nih. Parrikar Inpuia a lut le inruolin, Congress General Secretary Digvijaya Singh le Goa Congress incharge BK Hariprasad hai thangin an ngirsuok nthal a, slogan hril ruolna neiin risie nasatkin an siem a nih. Chu lai chun congress hai khinglet-

UP sa zawrtu han an nuorna an chawlsan tah

LUCKNOW: Uttar Pradesh hmuna sa zawrtu haiin nuorna an nei hai chu sawrkarin an thil phut sukputling dinga a tiem leiin zanikhan an chawlsan tah. Sa zawrtuhai chu an license sukthar (renew) a ni le inruolin an dawrhai hawng nawk vawng dingin Hazi Shakeel Qureshi, President, Association of Jamatul Quresh in zanikhan thusuok a nih. Hazi Shakeel Qureshi in thusuok a siemna a chun, sa sem suokna dawr (distributor) hai khawm strike thawna hai thang naw hai sien khawm, Quresh an

Pakistan rama bomb puok leiin mi 22 an thi, mi 70 chuong an hliem

PESHAWAR: Pakistan-a Kurram tribal district Shite hnam hai chengna biela bazar mipui tamna lai zanikhan car bomb sukpuok a ni a, mi 22 in thina an tuok bakah midang 70 chuong in hliemna an tuok. Pakistan Taliban pawl chun bomb hi anni pawl sukpuok a ni thu an puong. Bomb hi Mosque a Nuhmei hai lutna bula inngath Car sunga inthawka puok nia hril a nih.



Hi bomb puoka hliemna tuok hai chu Helicopter hmanga phurdawk le hospital panpui an nih. February, 2017 khawm khan Pakistan ram sunga hin helpawl hai chetna leiin mi 130 lai zetin thina an lo tuok ta a nih. Hienganga helpawl hai chetna hung hluor pei lei hin Pakistan sawrkar chun venghimna sin nasa takin a sukthau bakah Afghanistan le ramri khawm a lo kher hiel ta a nih. Prime Minister Nawaz Sharif chun bomb sukpuoka um hi nasa taka a dem thu a puong a, hi bomb

President in 'Namami Brahmaputra' festival hawng

NEW DELHI: India rama 'river festival' hai laia lientak Namami Brahmaputra chu zanikhan Assam state sunga district 21 haia t an a nih. President Pranab Mukherjee in festival hawngna hi a nei a, President in hawngna a neina vadung hi India rama pasal vadung (male river) umsun nia hril a nih. Hi hun hmangna a hin Bhutan Prime Minister, Arunachal Pradesh le Assam CM le mi pawimaw tam tak an thang. Festival chu ni 5 sung hmang ning a ta, cultural programmes, traditional sports, Brahmaputra Aarti, exhibition, film

China-in Saihaa Sumdawng a Khap


BEIJING: Hun iemani chena inthawka mi tamtakin fakzawngna le hausakna taka an lo hmang hlak, Saiha (ivory) a sumdawngna chu China sawrkarin a khap tah a, hi hin Sai population nasatkin a sukpuong ding a nih, tiin official thusuok chun a hril a. Conservative tamtak hai chun hi thil hi an lawm hle. Hienglai zing hin mi tamtak chun an fakzawngna an sukhmang ding niin an hril a, an lungngai hle thung. China hmartienga Harbin khuoa Liu Fenghai chu kum 25 Saihaa lo sumdawng tah a nih. A hnuoiak craftsmen tamtak thawktu a nei a. Saiha inchawin paperweights, statues le thil dang danga siemnin thla tin cheng sing tel an lam hlak a. Tuhin sawrkarin a hung khap hin chu sungkuo tamtakin an fakzawngna an nei ta naw ding niin a hril. Kum 48-a upa Mr Liu chun, "Ka hlim naw khawp el. Hi thil sumdawngna hi



nih tah. 1970s le 1980s lai Japan han nasatkin an bei nawk a. 1989-a international ban treaty a um lei kham an la extinct naw chau a nih. Khawvela Saia zaa 70% demand chu China a inthawk a nih a. Demand tam leiin Sai million khawt vel chau an um tah. Tuta kar sung hin China rama sawrkar phalna neia Saiha dawr po po zatve khar ning an ta. Kum tawp chena chu a rengin, factory 34 le dawr 138 khar vawng ning an tih. UN Convention on International Trade in Endangered Species (Cites) chun khar an nina hi a enkai ding a nih.

Putin-in Trump Inhmupui A Nuom

MOSCOW: Russia President Vladimir Putin chun hung tung ding May thlaa Helsinki, Finland-a Arctic Nations Summit hai US President Donald Trump inhmupuia tha taka inbiempui a nuom thu a hril. US le Europe rambung han Russia an rekna chun Russia chau ni lovin US le Europe hai khawm a ngawng siet nasa hle niin a hril a. US Presidential election 2016 ah Russia an rawl tia intumna chu khel a nizie a hril nawn bawk.



President Trump chun Russia le inlaichinna thalem nei a beisei thu a lo hril tah a. Election-a hrath theina dingin Russia a lo inrawl ti khawm "belchieng dawlo" (unverified) tiin a hril a. Tulai hnai kham hi thu hi "verified" a nih tiin BBC chun a puong. FBI le US Congress chun hi thu an la suizui zing a nih. Mr Putin chun, Arkhan-

gelsk, Northern Russia-a Arctic Forum an nei hunah, "Arctic Council, May thlaa neina dinga khin President Trump le inbiak ka nuom a nih. Chuhun a um theina dingin a tutu tieng khawm an inpei a tha. Annaw chun, inbiakna G20 Summit pangangaia framework sungah nei a ni theina dinga lampui siem ding a nih" tiin President Trump leh hmaisain ngeia inbiak a nuom thu a hril. Arctic Council chairmanship invir kuol pei cheltu ding Finnish Presi-

dent Sauli Niinisto chun, chuong anga inbiakna chu a um thei ding a ni phawt chun Finland chun lawm takin meeting a host nuom thu a hril. Khawvela rambung 20 inzawmkhawm G20 Summit chu July thla khin German khawpui Hamburg ah nei ning a tih. Mr Putin chun, "belchieng dawlo le tawpchin nei lo" intumna, US Election ah Russia an rawl ti hi nasatkin a sawisel a. "Inlaichinna sukchat vawng tak tak ei nuom a ni? 1960s laia Cuban Missile Crisis hun lai ang kham an nawk ei nuom am a nih? An hma thei ang takin thil iengkim tha taka an hung um nawk ka beisei a nih. America le Russia mipui bakah khawvel mipuihai thnatna dingin America le Russia inlaichinna hi a hung tha nawk ngei ka beisei" tiin a hril. Tu kum bul tieng kham Slovenia chun US le Russia inbiakna mikhuol a rawt a. Putin chun a lawmthu hrilin Washington thu thu a nih tiin a hril a. Bawzuina a um nawh. Russia-in Crimea a laklui lei le Ukraine buoina a thang leiin US le Europe chun Russia hi economic ah an rek a nih. Mr Putin chun, khawvela helna le rikrapa chetna (terrorism) dona kawngah US thawpui a nuom thu a hril a. Pentagon le CIA le thangruol le, Syria-a ISIS hai do tlang khawm a nuom thu a hril bawk.

Angelina Jolie-in In Thar Inchawk A Tum

LOS ANGELES: Hollywood actress hausa tawn-taw, a pasal Brad Pitt leh inthe mek, UN Special Envoy ni bawb bakah nau paruk nu Angelina Jolie chun an sungkuo inthang lien pei umna dingin Los Angeles, Los Feliz laia in ropui deuh (mansion), USD \$25 million man ding chu inchawk a lungril deu niin Page Six chun a hril.



Angelina Jolie-in a dawr thu hi an hril a nih.

Hi In ropuitak hi America film siemtu hmingthang, "founding father of the US cinema" tia ko, Cecil B. DeMille-in 1959 kum a thi hma chen kham kum 40 sung a lo hlou tah, 1913-a bawl a nih. Hi in ropui, bedroom paruk, bathroom sawm, hmum insang acre 1.2 zet hi an chwak thei chun an sungin inhawi takin an um thei ding a nih.

Angelina le Brad Pitt han 2008-a an hlou fan, 2012-a an inchawk, 2014 kuma Inneina dinga an hmang Chateau Miraval hi tu tak hin "vineyard" le "winery" a nih a, rose rim inhnik tak chi khat a siem suok zing a. An thil siem suok bottle haiah "Jolie-Pitt" ti an ziek vawng a. Season thara inthawk chu bottle thar hmangin an hming ziek a ni ta naw ding niin Us Weekly chun a hril.

Hi thil hi Angelina le Brad Pitt han South France-an in pakhat Chateau Miraval, acre 1,200 zeta lien 2012 kuma \$60 million-a an inchawk zawr an tum ti thu a um zoa hung suok a nih. TMZ le Mail Online chun Angelina Jolie biekpaw an tuma chu an la biekpaw thei naw a. Estate agent han

Angelina le Pitt hi inthe he hai sienkhawm an nauhai hmakhuo ding ngaituo lein "final divorced" an la ni naw a. A rugin an la

Victoria Beckham (42) Lam A La Hnesaw Hle

LOS ANGELES: The Spice Girls member hlui le ama puola fashion company Victoria Secret indin Victoria Beckham chu kum 40 chuongin nau pali a nei taa chu lam a la hnesaw hle a, a nuom chun zan sawt hnunga khawlai leng khawm a la thaw thei hle ti a suklang. James Corden a Late Show a Carpool Karaoke ah James leh zan sawt hnungin cara chuonga khawlai lengin an hla hluihai sakin dit-tawkin an lam a. Ennuom le hril a hlaw hle.



hla "Spice Up your Life" ti a hmang nia a ngai lein Mel B chu a lungawinaw hle a.

TV host James Corden leh cara chuongin The Spice Girls hai hla "Spice Up Your Life" (1997 hit) play puma sakin hun an hmang a. Khawlai an fang zeka street ah an lam hnungin, dawr sangah lamhin hun an hmang baw a. An insukhlamma dinga Victoria-in an hla hlui a sak hi, an Group la ngaina sia ruolhai le inzawmkhawm nawk a nuom naw thu a hrilna leh an mil nawh, tiin Mel B lem chu a lung a sen

hle nia hril a nih. Mel B lungsenna tak pakhat chu, Spice Girls member hai kei khawm nawkna dingin Emma Bunton le Geri Halliwell hai leh "Gem" ti band an indin a. Victoria chu a thang nuom nawh a. An group Spice Girl hai hla sak ding le ding naw thu

paper file dingin court a fe a. Proceeding hai a tam tah. Victoria le James hun hmang intan dan chu, zan sawt hnungah mi re hnungin Victoria chu James program ah a thang a. Tin dingin "Ka thak malam ding che?" a tih a. Victoria khawm insukhlam met nuom tho chun "Aw" tiin carah an lut a. An thuum-hnaw zawrhai pholanga milim (Mannequin) pakhat chu James-in a zakhat a. A lampui vela, chuong an chun Victoria khawmin 1987 classic film "Mannequin" a scene insirin Spice Girl hai hla play-in an lam a.

Sungtieng chanchin hretu pakhatin a hril danin, kum tamtak Spice Girls hai ngaina ta lo anga a um hnunga tuta ngaina thar anga a hung um nawk hi Mel B chun a hriethiem naw niin a hril. Mel B chun world tour nein an music le hlaihai fans nuoi telhai lai promote a, hlawkna nasatak hmu an beisei lain Victoria an hukdawk lein an nei thei ta nawa, chutaka inthawk chun Mel B hin Victoria hai a hnam tah niin a hril. Chubakah, Mel B hi tulai hin a pasal Stephan Belafonte leh inthana dinga process um mek a nih lein a lungsenna hi a zuol niin a hril. Zani kham a pasal le an inthe felna ding divorce

Khawlai an fang hrep hnung an hung kira dawr sungah milim hai leh hlum taka lama hla an sak lai chu mi thenkhatin an lo hmu a, chu taka inthawka thi hung indar pei a nih. Victoria chun a fashion company fak zawngna a ngaituo lein thuumhnaw a zawr theina dingin advertisement ah Spice Girls hai hla a hmang tiin Mel B hin a dem a nih.

Selena Gomez Film '13 Reasons Why' Tlangzar

LOS ANGELES: Tuta tum chu camera hmatieng a um nawa, hnungtieng inthawkin lo direct chie nuw sienkhawm a lo produce lein Selena Gomez chu a lan lar tho. Ngaizawng thar nei lei nih lovin a ngai pawimawi em em tleirawl mani inthah hlakhai chanchin "13 Reasons Why" film a co-produce, Netflix series 13-part tlangzarna huna a hung inlanga, hril a hlaw hle.



Selena Gomez in a red dress, promoting the film '13 Reasons Why'.

Zakuo le puonbil inkawp eng awm chen, malpui chena tuom (tulip skirt) a haka, indigenous people hai nabe ang deu a be bawk a, tribal nung-hak a hawi hle. A sam hlum tung vawngin an tawm lein a nakawr hnungtieng tattoo pakhat, a sangnu Grace hrietzingna dinga "G" a ziek khawm an lang thei a. Pheikhawk "nude heels" a bun bawk a. Latino nung-hak niina indiktak a suklang a nih.

ding, an ngaitlak naw chun an thuruk po po phawrlang vawng a nih ding tia hrilna a ni a. Hannah hin a thi hnungin iengtinam an thuruk phawrlang thei a ta? ti thil mak deu (mystery) inphum-rukna chu a nih.

Selena nu Mandy Teefey-in 2008 kham a tiem a. Selena kuomah tiem ve dingin a pek a. A tiem zovin tha a ti taluoa film-a siem in ama'n a produce a nih. Nunghak lungril sawl taka um chanchin hin a them a. Ama khawm lungri la sawl taka umin hun khirtak a lo pal tlang ve tah lein hi film hi a produce niin CNN a hril. Kha hma kham ni 90 inenkawlin Rehab a lut a nih kha.

Charlotte Dawson, Swimsuit Thar Le Inpholang

BARCELONA: Kum 24-a upa "Ex On The Beach" star le model Charlotte Dawson chun hun sawt tak social media le hmum dang dangah an lang naw hnungin Nilaini kham Barcelona, Spain hotel pakhat W. Hotel ah Swimsuit thar chi khat (skimpyswimsuit) leh a hung inpholang nawk a. Hun sawttak hmu tah lo a fans hai a suklawm hle bakah a nalna a la chuoi naw zie a suklang.



Dawson nawanu a nih a. A nu Tracy-in a tula a dawn puitling a nih.

Swimsuit chi thar, bikini ni chie lo, bodice le underpant a hran ve vea um khawm ni lo, inkawp vawng a kawng lai a khitna hruu um, thup ding po thupa a dang po inlang vawng, a sen a hak a. Pheikhawk insang sa chi le sunglass dum leh, a sam sen thalin a hei lawn chu a swimsuit hma an hawng lien bawk, a nene bal lien tak chu a mar tun tuna, malfunction amanhi ti ding vangan an lang lien, ennuom a um hle.

Charlotte swimsuit thar hi puon hlek nal taka design a ang lem hman hman a. Kekawrt anga buna bodice anga hmang poin nene hmur thupa ringa inkhai chi a nih a. Hmatieng thupna ding po char thupa a dang po chu inlang vawng, figure a niina ang tak chieng taka inlang theina a nih a. A pieng nal zie suklang khawm a nih bawk. Chawh hmang malama inzin a ni lein Barcelona nisa lum taluoa laka inthawka invengna dingin Swimsuit a promote naw kar po chu puon dang hmangin nisa hlieah a um hlak a. Chuong khawm chun a la nal tho a nih. Charlotte Dawson hi famtah comedian Les

Kim Jong-Nam ruong North Korea tieng phur a ni tah

BEIJING: February 13, 2017 nia Malaysia khawpui Kuala Lumpur international Airport-a nerve agent VX hmanga suklum North Korean leader Kim Jong-Un unaupa (half brother) Kim Jong-Nam ruong chu Pyongyang (North Korea) phurlung a nitah tiin China Foreign ministry spokesman Lu Kang chun zanita regular press briefing a nei huna a hril.



Kim Jong-Nam, brother of North Korean leader Kim Jong-Un.

Kim Jong-Nam hi North Korean leader hlui lo thi tah Kim Jong-Il nau hmasa a ni a, North Korea ram rorelna chel thei ding le inchu thei ding laia mi a ni a, a unaupa Kim Jong-Un le hin inremlo an ni bawk lein a thinaa hin North Korea sawrkar an rawl ringhlaa a um a. Nam thina tha hin Malaysia le North Korea inlaich-

inna chu nasa takin a hung suksiet a, an ambassador hai khawm an lo kokir ve ve ta a nih. Nam thina thua hin Malaysian investigators hai chun inrawlna nei ringhla North Korea mi 7 hai chu an kuta inhlam dingin an phut a nih. Hi thina tha inrawlna nei dinga ringhla 4 hai chu Airport-a Nam suklum ni ma kham Malaysia ram suoksanin North Korea an pan a, midang 3 hai chu North Korea Embassy-ah an in-birik ring a ni thu Malaysia Police chief chun a hril.

Isco: Real Madrid hin La Liga le Champions League a kawpin la thei an tih

Real Madrid Player Isco chun an Club hin tukum La Liga le Champions League a kawpa lak thei dingin player an that tawk thu a hril. Kum 2012-a inthawk kham Real Madrid hin La Liga Title an lak nawk ta naw a, tukum hin la thei ding ngirhmunah an um mek a nih. Champion lai mek Barcelona nekin point pahniin an insang lem mek a, inkelh vawikhat an inkelh tlawm lem bawk. Chum Real Madrid hi Champions League nopui dawmtu an ni mek a, tuhin quarter final an kai nawk ta a, Bayern Munich leh inbei an tih.



Real Madrid player Isco.

Midfielder Isco chun, "Tu tak hin hun hlum kan pal mek a, kan thiltum hmu thei dingin hun remchang khawm kan nei bawk. Hi

tournament puitham pahnhai la thei ding hin kan Squad a tha tawk hle. Team hrat le khir tak tak le intou zing zing kan nih a, hi lei hin kan nina khawm kan hriet ching hle. A mi tantuhai ta ding bik lieu lieuin title khawm kan lak ngei kan beisei," tiin a hril.

Tuhin Real Madrid hin Pathienni khin Deportivo Alavces hai mikhuol an tih.

Nemanja Vidic chun Eric Bailly a ringzo hle



Manchester United Defender hlui le Serbia International Nemanja Vidic chun Ivory Coast Star Eric Bailly chu hmatieng peiah United ta dinga player tha a la ni ngei a ringthu a hril. Nikum August thla kham United player of the Month dinga thlang Eric Bailly hi Club a hung zawma inthawk a khel tha hle a, anachu October kham hliem a tuok nawk lein hun iemani chen inkhel thei lova um a nih. Vidic

chun, "Ama hin theina a nei a, a la naupang bawk lein Defending tieng hi neka hlawk lem hin hma la sawn pei a tih," tiin a hril. A hril zawm peinaa chun, "Defending tha taka thaw ding chun goal vengtu leh inhrietpaw a ngai a, goal vengtu a var khawm a tul bawk. De Gea hi hieng kawng hin suong a um hle a, Eric leh an inthawp pei chun hmabak beiseina an sang hle a nih," tiin a hril.

Michael Platini chun Sepp Blatter chungchanga a ngaidan a hril



Michael Platini le Sepp Blatter hai pahni hi Football tieng hrim hrima inhnammaw thei lo dinga "Ban" an ni mek a. Hi "ban" an nina san chu kum 2011 kham Sepp Blatter chun dan lovin Platini kuomah Non-Contract payment £1.3 million a pek tia intum lei a nih. Hi intumna lei hin Sepp Blatter chu FIFA President a nina ban a ni a, Platini khawm UEFA President a nina maksan a

Sunny Leone, Mexico ah Chawl Hmang

MEXICO CITY: Indian-Canadian nung-hak thawk khat lai tak lem chu khawvel pumpuia nunghak Google-a mi zawng rawntak, adult film changna kawngasal suklawm thei tak le hmeltakata hril, Sunny Leone chu an pa Daniel Weber leh Mexico ah chwawl hmanga tuipui kama hun an hmang lai lim Instagram ah fans hai a share a. Nupui a ni hnung a nia chu tuipui kama sexy taka a hei inpholang vel chu nunghak tamtak nekmin mit a la lak lem a nih.



Sunny Leone in a black bikini on a beach.

Tuipui kama a hadam lai le an pain a pawma an inhnal lai dam a post a, hril a hlaw hle. Sunny Leone hi a hmelt a that em lei am a hringnuu a lo hmang dan kha thiktu an tam lei, sawisel a hlaw nasa em em a. Adult film chang hla Bollywood a lut khawm tamtak an dema chu, demutahai ringdan naw ang takin tha takin nun a hung hmang tung pei lein inpak a hlaw tah lem a nih.

Kei khawm nunghak laia ka hun hmang dahan kan sir nawh, tiin a hril. Tamtakin "pawrche" angin an ngai chu ama le ama chu chuongchun an ngai ve nawh. Ram Gopal Verma, mi sawisel hrat tak ni hlak khawmin, International Women's Day kham, "Khawvela nuhmeihai po po hin Sunny Leone-in pasalhai lungkimna le hlamma a pek ang tak hin pe seng thei hai sien kan nuom khawp el" a ti hiel a nih. Pasal suklungawi a thiem lein tuta a pasal Daniel Weber leh khawm hin nunluhi tha lo tak nei sienkhawm iengkhawm buoina an nei nawh.

India mi Canada mi nina nei bawk, adult film chang hla Bollywood lut umsun a nih bawk lein interview haia khawm an bei nasa thei em ema chu tha takin an zawnahai a dawn pei a. Tukhawmin an sawisel zawm nuom tah nawh. "Mania intungding nuhmei" (self-made woman) angin an sal a. A nun hlui insirma a nei am ti an indawn khawmini, a nun hlui le hun a lo hmang danhai insirma a nei nazwie a hril a. Nuhmei chun a hun tawng izir pein hun a hmang a.

Tu tak hin Sunny Leone hi Gitex Shopper Spring Edition 2017 le inzawmin XTouch mobiles promoter (brand ambassador) a nih a. A sin le inzawmin Dubai ah umin a promote mek a. Film a chang naw khawmin showbiz khawvelah project hlen ding le thaw ding a tam em em a nih. Tu lem hin chu a tawngbau suok khawm a fimkhr tah em em a, nuom nuomin social media haiah a tawng ta ngai nawh a. "Mi tin, tawngbau hi fimkhr taka hmang ding a nih" a ti hlak. Sunny film thar tak ding "Tera Intezaar" a nih a, Arbaaz Khan leh an chang kawp ding a nih.

Hrem a ni chungchangah Messi a tawngsuok



Argentina le Chile an inhma-sawn tuma Assistant Referee a khakkhum ni anga intum leia ram ta dinga mach wawili inkhel thei lo ding le Swiss Francs 10,000 chawi dinga hrem Lionel Messi a tawngsuok ve. Match pali tawp hrem a ni lei hin Argentina chun an tuor hle ring a um bawk. Hi hrem a nina hi Messi chun mak a ti hle a awmnaw khawm a ti bawk. Ama chun, "Assistant Referee ka khakkhum naw a, ka lung-

sen luotin boruok ka khakkhum lem a nih," tiin a thiem thu a hril. Messi hi Barcelona tien-ga a team mate-hai chun an tan hle a, Gerard Pique khawma hremna mak tak a ni thu a hril nghe nghe. World Cup Qualifying-a an khingpui, Barcelona player tho Luis Suarez khawma, "Messi an hremna hi a taluo deu a nih, hieng anga inhrem pei ding a ni chun hrem ding an tam taluo," tiin a hril tawp.

Fox News Presenter Kelly, NBC ah \$15 Million

LOS ANGELES: Journalist le broadcaster hmingthang, Fox News presenter le anchor, a program The Kelly File a inlar em em Megyan Kelly chun Fox News suoksanin NBC TV a zawm tah ding niin The Daily Mail chun hril. Kelly hin NBC ah hin ama puola show thar hlawk, mi naranhai chophurna ding le sukhratna ding le celebrity hai chanchin tak tak pholanga ding host a ta, kum khatah \$15 million a hlaw ding a nih.

Megyan Kelly le a pasal, novelist Douglas Brunt hin nau pathum, Edward (7), Thatcher (3) le Yardley (5) an nei a. Pathienni kham an sungin chwawl hmangin dei taluo New York City a inthawkin ram lum Hawaii an inzin a. Thlierkar velah motor boat-a tan kuolin rama le vadungahai hun inhawi takin an hmang a, an hlum hle.

Kelly hin NBC Morning Show ah Today present a ta, Oprah Winfrey ang deusin mihai an hringnun tak tak chanchin hai phawrlangin, harsatna nei thangpui ngaihai khawm thangpui theina dinga program hi siem a tum a nih. NBC anchor senior tak, Today anchor kum 20 zet lo chel tah Matt Lauer chun, "Kelly hi a present lai le a show hai ka lo en a, thiemna danglam tak nei a nih a. A lung insawng ding hi NBC chun a hlawkpui hle ka ring. Journalist le broadcaster ropuitaka a nih" tiin a hril.

Kum 47-a upa Kelly hin thla nawk vela inthawk khin NBC ah host le presenter sin fan a ta. A pasal Hunt khawmin a novel "Trophy Son" ti chu May thla khin release bawk a tih. An pahnia an sum thaw suok ringawt khawm milar tamtak le politician tamtakhai

Ndidi : Ka pa'n Football kan khel a rem ti nawh

Kum 20 chaw a naupang Leicester City midfielder Ndidi chun a sunginhain football an inhnipui naw thu a hril a, a pa lem chun inkhel a remti naw niin a tarlang. Anachu ama an hnuk em lein a nu le pa dit-thlang naw ang zawngin professional footballer a hung ni thu a hril. A sunginhai chun lekha lan chuk zawm lem dinga an dit thu a hril bawk. Belgium Club Genk-a inthawkin January



Leicester City player Ndidi.

A hril dan chun, "Ka pa chun Tv-ah ball pet a em hlaka chu kei ka pet chu a rem ti ngai nawh. Ama hi sipai a ni a, ama anga sipai ka thang khawm a phal chuong nawh a, lekha inchuk lang ti hi a nuom tawp el a nih," tiin an sungkuo chanchin a hril. Ama khawma sikul kai chu inhawi a ti thu le a chang chu sikula a ruolhai a ngai hlak thu a hril bawk. Leicester City ta dinga an khel hmasak tak tum chu FA Cup-a Everton le an inbei tum kha a nih a, ama chun TV-a lo hmu zing zing le a lo ngaisang thei em em Romelu Lukaku hai le an em inhnai-tawm chu a nervous hle thu khawm a hrilsa bawk. Chu hnungah Chelsea le Manchester City hai an hung inkhelpui nawk pei a, tuhin chu Club lien lem le inkhel khawm pangngai deuin an hriet tah.